

Penularan COVID-19

Pusat suntik vaksin ikut pendaftaran MySejahtera

Orang ramai salah faham boleh pilih hospital swasta fasa kedua

Oleh Fahmy A Rosli -
fahmy.azril@bh.com.my

Kuala Lumpur: Pemilihan Pusat Pemberian Vaksin (PPV) bagi individu yang sudah mendaftar dalam Program Imunisasi COVID-19 Kebangsaan (PICK) fasa dua, akan ditentukan berdasarkan pendaftaran menerusi aplikasi MySejahtera.

Presiden Persatuan Hospital Swasta Malaysia (APHM), Datuk Dr Kuljit Singh, berkata berlaku salah tanggapan dalam kalangan orang awam bahawa mereka boleh memilih hospital swasta untuk pendaftaran program suntikan vaksin.

Katanya, fungsi hospital swasta untuk program fasa dua sama seperti fasiliti kerajaan lain, iaitu sebagai PPV dan termaktub peraturan sama, namun wujud salah tanggapan masyarakat seolah-olah sekarang adalah peluang untuk memilih hospital swasta masing-masing dan mendaftar vaksin.

"Prosedur dan prosesnya tetap sama kerana pendaftaran masih dilakukan menerusi aplikasi MySejahtera dan hanya mereka yang berhak mendapat suntikan vaksin pada tahap dua



Kerajaan jamin vaksin mencukupi untuk lebih 80 peratus populasi sehingga hujung tahun ini. (Foto hiasan)

CITF percepat temu janji lebih 5,000 petugas media

Putrajaya: Badan Bertindak Imunisasi COVID-19 (CITF) akan memberi janji temu kepada lebih 5,000 petugas media daripada 144 agensi media yang berdaftar di negara ini untuk mendapatkan pelalian wabak dalam masa terdekat.

Menteri Sains, Teknologi dan Inovasi, Khairy Jamaluddin, berkata setakat ini pihaknya menerima sejumlah

5,867 nama petugas media.

"CITF buat keputusan untuk beri janji temu pengamal media secepat mungkin selepas terima butiran.

"Ini selari (keputusan) untuk melindungi mereka di barisan hadapan dengan mendahulukan guru dan pengamal media," katanya pada sidang media CITF, semalam.

akan layak tanpa pilihan untuk memilih hospital atau jenis vaksin untuk mereka.

"Hospital swasta adalah salah satu pusat vaksinasi sama dengan hospital kerajaan atau pusat komuniti lain," katanya dalam kenyataan, semalam.

Dengan penjelasan itu, Dr Kuljit berharap orang ramai tidak tergesa-gesa 'menyerbu' hospital berkenaan untuk mendapatkan slot suntikan vaksin.

Katanya, semua hospital swasta yang menyertai program imunisasi kebangsaan akan mematuhi garis panduan Jawatankuasa Khas Jaminan Bekalan Vaksin CPVID-19 (JKJAV) termasuk metodologi inokulasi vaksin tambahan di setiap pusat vaksinasi jika berlaku perkara tidak diingini.

"Orang awam harus menggunakan MySejahtera untuk program suntikan vaksinasi seperti dimaklumkan Menteri Sains, Inovasi dan Teknologi, Khairy Jamaluddin, bahawa vaksin akan mencukupi untuk lebih 80 peratus populasi sehingga hujung tahun walaupun bekalan sekarang agak perlahan.

"Oleh kerana itu, tidak mungkin vaksinasi swasta di hospital swasta akan berlaku dalam tempoh terdekat. Maka kami menasihatkan mereka yang tertunggu-tunggu supaya berhenti menunggu," katanya.

Menurut Dr Kuljit, sebanyak 12 hospital swasta dipilih untuk membantu kerajaan dalam menjayakan PICK dan selepas ini, lebih banyak hospital swasta

Fungsi hospital swasta untuk program fasa dua sama seperti fasiliti kerajaan lain, iaitu sebagai PPV dan termaktub peraturan sama, namun wujud salah tanggapan masyarakat seolah-olah sekarang adalah peluang untuk memilih hospital swasta dan mendaftar vaksin

Dr Kuljit Singh,
Presiden APMH



akan menjayakan program terabit berdasarkan pendaftaran 100 hospital swasta seluruh negara dengan Protect Health.

"Hospital swasta akan terus bekerjasama dengan kerajaan untuk mempercepatkan program vaksinasi, selain membantu sedaya mungkin untuk merawat pesakit COVID-19 dan pesakit lain.

"Vaksinasi diberi percuma untuk orang ramai kerana kos vaksin dan fi pentadbiran nominal dibayar kerajaan kepada hospital swasta. Lebihan kos akan ditanggung sepenuhnya oleh hospital swasta.

"Ini tanggungjawab sosial yang ditawarkan hospital swasta kepada masyarakat untuk memberi suntikan vaksin kepada orang ramai secara meluas dan cepat, menyasarkan pembentukan awal imunisasi kelompok," katanya.